

**BOSNA I HERCEGOVINA**  
*Konkurencijsko vijeće*



**БОСНА И ХЕРЦЕГОВИНА**  
*Конкуренцијски савјет*

**RJEŠENJE**

**po Prijavi namjere koncentracije između privrednih subjekata Dukat mliječna industrija d.d.  
Zagreb, Republika Hrvatska i Ideal Šipka eksport-import d.o.o., Bitolj, Makedonija**

**Sarajevo  
Septembar, 2008. godine**



Broj: 01-01-26-022-13-II/08  
Sarajevo, 11.09.2008. godine

Na osnovu člana 25. stav (1) tačka e), člana 42. stav (1) tačka d), a u skladu s čl. 12., 14., 16. i 18. Zakona o konkurenciji („Službeni glasnik BiH“, br. 48/05 i 76/07), po Prijavi namjere koncentracije između privrednog subjekta Dukat mliječna industrija d.d., Marijana Čavića 9, 1000 Zagreb, Republika Hrvatska, zastupanog po zajedničkoj advokatskoj kancelariji Marić Branko, Ivanović Dijana, Dizdarević Višnja i Radovanović Predrag, Mehmeda Spahe 26, 71 000 Sarajevo, Bosna i Hercegovina, i privrednog subjekta Društvo za preradu mlijeka i mliječnih proizvoda Ideal Šipka d.o.o. eksport-import, Borka Teleski 15, Bitolj, Makedonija, zaprimljenoj pod brojem 01-01-26-022-II/08 dana 09.06.2008.godine, Konkurencijsko vijeće, na 71. (sedamdesetprvoj) sjednici održanoj dana 11.09.2008. godine, je donijelo

### **R J E Š E N J E**

1. Ocjenjuje se dopuštenom koncentracija koja će nastati na tržištu proizvodnje i distribucije mlijeka i mliječnih proizvoda u Bosni i Hercegovini, sticanjem kontrole kupovinom većinskog vlasničkog udjela od strane privrednog subjekta Dukat mliječna industrija d.d., Marijana Čavića 9, 1000 Zagreb, Republika Hrvatska, u privrednom subjektu Društvo za preradu mlijeka i mliječnih proizvoda Ideal Šipka d.o.o. eksport-import, Borka Teleski 15, Bitolj, Makedonija,.
2. Ovo Rješenje o koncentraciji upisuje se u Registar koncentracija.
3. Ovo Rješenje je konačno i bit će objavljeno u „Službenom glasniku BiH“, službenim glasilima entiteta i Brčko Distrikta Bosne i Hercegovine.

### **O b r a z l o ž e n j e**

Konkurencijsko vijeće je zaprimilo Prijavu namjere koncentracije broj 01-01-26-022-II/08 (u daljem tekstu: Prijava) privrednog subjekta Dukat mliječna industrija d.d., Marijana Čavića 9, 1000 Zagreb, Republika Hrvatska (u daljem tekstu: Dukat d.d. Zagreb ili Podnosilac prijave), zastupanog po zajedničkoj advokatskoj kancelariji Marić Branko, Ivanović Dijana, Dizdarević Višnja i Radovanović Predrag, Mehmeda Spahe 26, 71 000 Sarajevo, Bosna i Hercegovina, kojom namjerava steći kontrolu kupovinom većinskog udjela u privrednom subjektu Ideal Šipka d.o.o. eksport-import, Borka Teleski 15, Bitolj, Makedonija (u daljem tekstu: Ideal Šipka).

Uvidom u dostavljenu Prijavu utvrđeno je da ista nije kompletna, te da je treba dopuniti u smislu člana 30. stav (1) Zakona o konkurenciji (u daljem tekstu: Zakon) i čl. 8., 9. i 10. Odluke o načinu podnošenja prijave i kriterijumima za ocjenu koncentracija privrednih subjekata („Službeni glasnik BiH“ broj 95/06), te je zatražena dopuna Prijave dana dana 16.06.2008. godine dopisom broj 01-01-26-022-2-II/08 i dana 04.08.2008. godine dopisom broj 01-01-26-022-7-II/08.

Podnosilac prijave dopunio je istu i traženu dokumentaciju dostavio dana 24.06.2008. godine dopisom broj 01-01-26-022-3-II/08, dana 09.07.2008. godine dopisom broj 01-01-26-022-5-II/08, dana 22.07.2008. godine dopisom broj 01-01-26-022-6-II/08, dana 08.08.2008. godine dopisom broj 01-01-26-022-8-II/08 i dana 27.08.2008. godine dopisom broj 01-01-26-022-10-II/08

Konkurencijsko vijeće je dana 01.09.2008. godine dopisom broj 01-01-26-022-11-II/08 Podnosiocu prijave izdalo Potvrdu o prijemu uredne i kompletne Prijave (u daljem tekstu: Potvrda), u smislu člana 30. stav (3) Zakona.

Podnosilac prijave je naveo da nema obavezu podnijeti zahtjev za ocjenu koncentracije nekom drugom tijelu izvan teritorije Bosne i Hercegovine, u smislu člana 30. stav (2) Zakona.

Konkurencijsko vijeće u postupku ocjene dopuštenosti koncentracije je utvrdilo da je Prijava namjere koncentracije podnesena u smislu člana 16. stav (1) Zakona.

## **1. Učesnici koncentracije**

Učesnici predmetne koncentracije su privredni subjekt Dukat mliječna industrija d.d., Marijana Čavića 9, 1000 Zagreb, Republika Hrvatska i privredni subjekt Društvo za preradu mlijeka i mliječnih proizvoda Ideal Šipka d.o.o. eksport-import, Borka Teleski 15, Bitolj, Makedonija.

### **1.1. Privredni subjekt Dukat d.d. Zagreb**

Privredni subjekt Dukat mliječna industrija d.d., Marijana Čavića 9, 1000 Zagreb, je dioničarsko društvo iz Republike Hrvatske registrovano u sudskom registru Trgovinskog suda u Zagrebu pod brojem 06/13931-2, dana 04.01.2007. godine (matični broj 080307619).

Osnovna registrovana djelatnost Dukat d.d. Zagreb je proizvodnja hrane i pića.

Privredni subjekt B.S.A. International, Brisel, Belgija, posjeduje 93,69% vlasničkog udjela u privrednom subjektu Dukat d.d. Zagreb.

Prema izvodu iz registra preduzeća pravnih lica od 09.07.2007. godine, privredni subjekt B.S.A. International, Place du Champs de Mars, Bte 20, 1050 Ixelles, Belgija, registrovan je u Belgiji, kod Federalne javne službe za ekonomiju, mala i srednja preduzeća, preduzetnike i energetiku, pod brojem 0443.205.173.

Osnovna djelatnost B.S.A. International su poslovi proučavanja tržišta i finansijski holding.

Privredni subjekt Dukat d.d. Zagreb distribuciju svojih proizvoda na relevantno tržište u Bosni i Hercegovini vrši putem svog supsidijarnog društva, privrednog subjekta Dukat mljekara d.o.o. Gradačac.

#### **1.1.1. Povezani privredni subjekti Dukat d.d. Zagreb u BiH**

Privredni subjekt Dukat d.d. Zagreb 100,0% je vlasnik privrednog subjekta Dukat mljekara d.o.o. Gradačac i većinski vlasnik (75,50%) privrednog subjekta Inner d.o.o. Gradačac.

##### **1.1.1.1. Privredni subjekt Dukat mljekara d.o.o. Gradačac**

Privredni subjekt Dukat mljekara, društvo za trgovinu, uvoz, izvoz i usluge d.o.o. Gradačac, Željeznička bb, Gradačac, upisan je u sudski registar Opštinskog suda u Tuzli, Rješenjem suda broj 032-0-Reg-08-000067 od 13.05.2008. godine, registarski uložak broj 32-01-0112-08.

Navedenim Rješenjem Opštinskog suda u Tuzli izvršen je upis promjene naziva i adrese na način da je raniji naziv društva Dukat mljekara, društvo za trgovinu, uvoz, izvoz i usluge d.o.o. Sarajevo, Rajlovačka cesta bb, zamijenjen nazivom Dukat mljekara, društvo za trgovinu, uvoz, izvoz i usluge d.o.o. Gradačac, Željeznička bb, Gradačac.

Osnovne registrovane djelatnosti privrednog subjekta Dukat mljekara d.o.o. Gradačac su uzgoj goveda za proizvodnju mlijeka i proizvodnja mlijeka, mliječnih proizvoda i sira.

Privredni subjekt Dukat mljekara d.o.o. Gradačac distribuciju proizvoda na tržište BiH vrši preko svoja tri distributivna centra u Sarajevu, Bihaću i Tuzli, kao i preko dva distributera (MCI d.o.o. Široki Brijeg i Dukat d.o.o. Banja Luka).

Privredni subjekt Dukat d.o.o. Banja Luka nije povezano društvo privrednih subjekata Dukat d.d. Zagreb, Dukat mljekare d.o.o. Gradačac i Inner d.o.o. Gradačac.

### 1.1.1.2. Privredni subjekt Inner d.o.o. Gradačac

Privredni subjekt Inner d.o.o. za proizvodnju, trgovinu i promet, Željeznička bb, Gradačac, upisan je u sudski registar Opštinskog suda u Tuzli, Rješenjem suda broj: 032-0-Reg-07-001826 od 31.12.2007. godine, registarski uložak broj 1-5884.

Osnovne registrovane djelatnosti privrednog subjekta Inner d.o.o. Gradačac su uzgoj goveda za proizvodnju mlijeka i proizvodnja mlijeka, mliječnih proizvoda i sira.

Privredni subjekt Inner d.o.o. Gradačac vrši prodaju svojih proizvoda na tržište BiH preko privrednog subjekta Dukat mljekara d.o.o. Gradačac.

### 1.2. Privredni subjekt Ideal Šipka d.o.o. Bitolj

Društvo za preradu mlijeka i mliječnih proizvoda Ideal Šipka d.o.o. eksport-import, Borka Teleski 15, Bitolj, Makedonija, registrovano je u Centralnom registru Republike Makedonije (regionalna registracijska kancelarija Skoplje) dana 27.01.1997. godine, pod registarskim brojem 5149991.

Osnovna registrovana djelatnost privrednog subjekta Ideal Šipka je prerada mlijeka i proizvodnja sira.

Vlasnička struktura privrednog subjekta Ideal Šipka prikazana je u Tabeli 1..

Tabela 1.

R.br.	Vlasnik dionica	Vlasnički udio (%)
1.	Ideal izvoz-uvoz d.o.o. Bitolj, Makedonija	31,8759563
2.	Šipka Milk d.d. Gabrovo, Republika Bugarska	45,1019594
3.	Dukat d.d. Zagreb, Republika Hrvatska	23,0220843
	Ukupno	100,0

Prema podacima iz Prijave privredni subjekt Ideal Šipka nema povezanih privrednih subjekata niti je (in)direktni vlasnik akcija (10,0% i više) bilo kojeg privrednog subjekta u Bosni i Hercegovini.

## 2. Obaveza prijave namjere koncentracije

Na osnovu ostvarenog godišnjeg prihoda učesnika koncentracije na dan 31.12.2007. godine proizašla je obaveza prijave namjere koncentracije, u smislu člana 14. stav (1) tačka a) Zakona.

Ukupni ostvareni godišnji prihodi učesnika koncentracije na dan 31.12.2007. godine iznose:

Tabela 2.

Konsolidovani prihod	Dukat d.d. Zagreb		Ideal Šipka	
	KM	KN	KM	MKD
Svijet	(..)* <sup>1</sup>	(..)*	(..)*	(..)*
Bosna i Hercegovina	(..)**		-	-

\*U naznačeni iznos uračunati su i ukupni prihodi supsidijarnih društava Dukat d.d. Zagreb na tržištu BiH

<sup>1</sup> (..)\* podaci se smatraju poslovnom tajnom u smislu člana 38. Zakona o konkurenciji

Obzirom da je ispunjen uslov zajedničkog ukupnog godišnjeg prihoda i da je najmanje jedan privredni subjekt učesnik koncentracije registrovan na teritoriji Bosne i Hercegovine, u smislu člana 14. stav (1) Zakona, učesnici koncentracije obavezni su podnijeti Prijavu.

### **3. Pravni okvir ocjene koncentracije**

Konkurencijsko vijeće je u provođenju postupka ocjene dopuštenosti koncentracije primjenilo odredbe Zakona, Odluke o utvrđivanju relevantnog tržišta („Službeni glasnik BiH“, broj 18/06), te Odluke o načinu podnošenja prijave i kriterijumima za ocjenu koncentracija privrednih subjekata.

### **4. Pravni osnov i oblik koncentracije**

Pravni osnov predmetne koncentracije je Ugovor o prenosu udjela (u daljem tekstu: Ugovor) u privrednom subjektu Ideal Šipka izvoz-uvoz d.o.o. Bitolj, Makedonija, zaključen dana 29. maja 2008. godine u Skoplju, Makedonija, između privrednog subjekta Dukat mliječna industrija d.d Zagreb, Republika Hrvatska (u daljem tekstu: Dukat d.d. ili kupac) i privrednih subjekata Ideal izvoz-uvoz d.o.o., Bitolj, Makedonija i Šipka Milk d.d., Gr.Gabrovo, Republika Bugarska (u daljem tekstu: Prodavci).

Navedenim Ugovorom o prenosu udjela prodavci su, kao članovi i osnivači privrednog subjekta Ideal Šipka, kupcu prodali svoje udjele koji odgovaraju ulogu od 76,9779157% osnovnog kapitala privrednog subjekta Ideal Šipka, odnosno privredni subjekt Ideal izvoz-uvoz d.o.o., Bitolj 31,8759563%, a privredni subjekt Šipka Milk d.d. 45,1019594% udjela.

Nakon provedene koncentracije privredni subjekt Dukat d.d. Zagreb postaće 100,0% vlasnik privrednog subjekta Ideal Šipka, s obzirom da je već imao 23,0220843% vlasničkog udjela u istom.

Konkurencijsko vijeće je utvrdilo da je pravni oblik koncentracije sticanje kontrole jednog privrednog subjekta (Dukat d.d. Zagreb) nad drugim privrednim subjektom (Ideal Šipka), u skladu s članom 12. stav (1) tačka b) pod 1) Zakona.

### **5. Relevantno tržište**

Relevantno tržište, u smislu člana 3. Zakona, te čl. 4., 5. i 6. Odluke o utvrđivanju relevantnog tržišta, čini tržište određenih proizvoda (usluga) koje su predmet obavljanja djelatnosti na određenom geografskom tržištu.

Prema odredbi člana 4. Odluke o utvrđivanju relevantnog tržišta, relevantno tržište proizvoda obuhvata sve proizvode i/ili usluge koje potrošači smatraju međusobno zamjenjivim s obzirom na njihove bitne karakteristike, kvalitet, namjenu, cijenu ili način upotrebe.

Prema članu 5. Odluke o utvrđivanju relevantnog tržišta relevantno tržište u geografskom smislu obuhvata cijelu ili dio teritorije Bosne i Hercegovine, na kojoj su tržišni konkurenti aktivni u prodaji i/ili kupovini relevantnog proizvoda pod jednakim ili dovoljno ujednačenim uslovima koji to tržište bitno razlikuju od uslova tržišne konkurencije na susjednim geografskim tržištima.

Analizom relevantnog tržišta učesnika koncentracije Konkurencijsko vijeće je utvrdilo da je relevantno tržište proizvoda u predmetnoj koncentraciji tržište proizvodnje i distribucije mlijeka i mliječnih proizvoda.

Relevantnim geografskim tržištem smatra se tržište Bosne i Hercegovine, jer učesnici koncentracije plasiraju relevantan proizvod na cijeloj teritoriji BiH.

Slijedom gore navedenog, relevantnim tržištem predmetne koncentracije smatra se tržište proizvodnje i distribucije mlijeka i mliječnih proizvoda na cijeloj teritoriji Bosne i Hercegovine.

## 6. Analiza relevantnog tržišta

Tržišni udjeli učesnika koncentracije i njihovih glavnih konkurenata na relevantnom tržištu proizvodnje i distribucije mlijeka i mliječnih proizvoda u Bosni i Hercegovini prikazana su u Tabeli 3.

Tabela 3.

R.br.	Privredni subjekt	Godišnji promet (u milionima litara)	Tržišni udio (%)
1.	<i>Danube foods</i> Grupa	30.000,00	17,0
2.	<i>Meggle</i> , Bihać	30.000,00	17,0
<b>3.</b>	<b>Dukat mljekara d.o.o. Sarajevo</b>	<b>26.627,00</b>	<b>15,0</b>
<b>4.</b>	<b>Inmer d.o.o. Gradačac</b>	<b>11.515,00</b>	<b>6,0</b>
5.	Tuzlanska mljekara, Tuzla	15.500,00	9,0
6.	Milkos, Sarajevo	9.470,00	5,0
7.	Ostali (Sappit, Vindija, Šabac, Natura)	55.300,00	31,0
	Ukupno	178.412,00	100,0
	<b>Ukupno (3+4)</b>	<b>38.142,00</b>	<b>21,0</b>

Izvor: Podaci iz Prijave

Prema podacima o tržišnim udjelima učesnika koncentracije i njihovih glavnih konkurenata na relevantnom tržištu (Tabela 3.) vidljivo je da postoji jaka konkurencija budući da postoji veliki broj privrednih subjekata sa relativno malim tržišnim udjelom. Najveće tržišne udjele imaju privredni subjekti *Danube foods* Grupa i *Meggle*, Bihać sa po 17,0%, dok zajednički tržišni udio učesnika koncentracije iznosi 21,0%.

## 7. Ocjena koncentracije

Konkurencijsko vijeće analizom podataka i utvrđenih činjenica, u smislu kriterija člana 17. Zakona (posebno strukture relevantnog tržišta, tržišnih udjela učesnika koncentracije i konkurenata), je utvrdilo da predmetna koncentracije ne može imati za posljedicu sprečavanje, ograničavanje niti narušavanje postojeće tržišne konkurencije na relevantnom tržištu proizvodnje i distribucije mlijeka i mliječnih proizvoda u BiH.

Uzimajući u obzir sve iznesene činjenice i podatke koji su prethodili donošenju predmetnog Rješenja, Konkurencijsko vijeće je ocijenilo predmetnu koncentraciju dopuštenom, u smislu člana 18. stav (2) tačka a) Zakona, kao što je odlučeno u dispozitivu ovog Rješenja.

## 8. Administrativna taksa

Na ovo Rješenje podnosilac Prijave, u skladu s članom 2. tarifni broj 107. stav (1) tačka d) pod 1) Odluke o administrativnim taksama u vezi s procesnim radnjama pred Konkurencijskim vijećem („Službeni glasnik BiH“, broj 30/06), obavezan je platiti administrativnu taksu u iznosu od 2.500,00 KM u korist Budžeta institucija Bosne i Hercegovine.

## 9. Pouka o pravnom lijeku

Protiv ovog Rješenja nije dopuštena žalba. Nezadovoljna stranka može pokrenuti upravni spor pred Sudom Bosne i Hercegovine u roku od 30 dana od dana prijema ovog Rješenja, odnosno od dana njegovog objavljivanja.

Predsjednik

Ibrica Lakišić